



Selasa, 16 Januari 2023

Ogen: Hosea 4:11-19



MBESTAK IKABANGKEN ANGIN



Kata si ibelasken Dibata alu si isuratken Hosea luar biasa jadi persinget man banta. Kuga bangsa enda nadingken Dibata dengen tek man sepenggel batang kayu, man sada ciken. Iendeskenna dirina man deleng-deleng siiakapna keramat, idatas uruk ia nutung kumenen. Me kerina e bekas Dibata nepasa nge? Erkiteken sie ikataken Dibata maka ukumen e laman diri bangsa e saja tapi pe man kerina kesusureнна. Anak-anak si diberu jadi diberu perlua-lua bagepe permainanna erlagu la mehuli . Bangsa enda mabuk minem anggur si ndekah ras simbaru janah ia jine me sierlua-lua. Sabab labo banci anakna sidiberu ras permainanna saja nge si erlagu la mehuli tentuna ras dilaki ia ngelakokenca. Adi rubia-rubia ndai tuhu mekeng kal. EMaka labo ipermakani DIbata desken biri-biri. Bageme la payona geluh bangsa enda emaka ikataken Tuhan maka mistak me ia ikabangken angin. Ertina, adi desken page ndai menah me, lapung ia, adi beras ndai beningna me ia. Bageme bangsa si nembang man dibata-dibata sideban siikataken agama kalak perbegu. Si labo Dibata siisembahna.

Adi sipergermetken dengen sirenungken kerna kai si ituriken enda, kena nge dirinta? Banci saja lanai sepenggel kayu, ciken ras sidebanna si ngolangi kita ersembah man Dibata. Banci tutus kita ersembah man baNa, tapi menipes kal kinitekennta; mejingkat kal kita ibas ndahiken dahin pelayanen ninta tapi menanghang kal ulih si jadi. Desken segal, iembusken angin, kabang kujah kuje la erturi-turin, la jelas ja inganna bagepe gunana. Banci saja dongkeli kalak sideban, batu antuken man sekelewetta, ciga ate Dibata. Mari, si jaga dirinta, mburnis min kinitekenta janah entebu nanamna.